

## Uvod

Devedesetih godina prošlog stoljeća došlo je do naglog razvoja finansijskih tržišta u SAD-u kao i u drugim krajevima svijeta. Industrijski index Dow Jones-naveliko citirani indeks vrijednosti 30 velikih korporacija, povećao se sa 2.800 bodova početkom devedesetih, na više od 11.000 bodova na kraju desetljeća. Ovaj pomak se može usporediti sa njegovim početkom od 100 bodova u 1906. pa do početka devedesetih. Početkom 2000-ih kao rezultat ekonomskog pada u SAD-u o i svijetu, taj se indeks spustio ispod 10.000. Nadalje, nekoliko dionica kojima se trgovalo na tržištu dionica NASDAQ-a, drugom glavnom tržištu po veličini, izgubilo je svu dobit koju su imale u kasnim 1990-im. Premda su se vrijednosti vrijednosnih papira na finansijskim tržištima SAD-a dramatično povećale 1990-ih, tržišta jugoistočne Azije, Južne Amerike i Rusije bila su puno nestabilnija. Samo na primjer 2. Jula 1997. godine vrijednost tajlandskog bahata bila je za gotovo 50% manja u odnosu na američki dolar. U 2002. godini privredni i finansijski sistem Argentine je propao te je vrijednost njezine valute pala za više od 30% u odnosu na američki dolar, jer je vlada ublažila paritet pesa jedan na jedan u odnosu na dolar.

U međuvremenu, djelatnost finansijskih institucija približava se zatvaranju povijesnog kruga. Izvorno bankovna djelatnost koja je praktično bila djelatnost potpune usluge, pružajući izravno ili neizravno sve finansijske usluge (komercijalno bankarstvo, investicijsko bankarstvo, ulaganje u dionice, osiguranje itd.) Ranih 1930-ih, ekonomski i industrijska propast rezultirala je odvajanjem nekih od tih aktivnosti. Tokom 70-tih i 80-tih godina, pojavila se nova relativno neregulirana djelatnost finansijskih usluga (uzajamni fondovi, posrednički fonodovi...) koje su još više razdvojile ove funkcije finansijskih usluga. Danas, početkom novog milenija, regulatorne promjene, tehnologija i finansijske inovacije u takvoj su međusobnoj interakciji da ponovo jedna finansijska institucija poput Citigroupa, može ponuditi čitav komplet finansijskih usluga. Ne samo što slabe granice između tradicionalnih sektora djelatnosti, već i konkurenčija poprima globalne karakteristike ulaskom njemačkih, francuskih i drugih međunarodnih institucija na američko tržište finansijskih usluga i obratno.

S promjenom privrednog okruženja i konkurenčije, sve se veća važnost poklanja profitu i njegovoj procjeni i više nego ikad riziku. Donošenje odluka o ulaganju i financiranju zahtijeva od menadžera i pojedinaca razumjevanje protoka sredstava kroz ekonomiju, kao i razumijevanje funkciranja i strukture domaćih i međunarodnih finansijskih tržišta. Ovaj rad bi trebao posebno prikazati jedinstvenu procjenu društava koja kotiraju na burzama kao i analizu rizika s kojim se suočavaju ulagači i štedište, te strategiju za kontrolu i upravljanje tim rizicima.

Čak i letimičan pogled na bilo koju burzu u razvijenim zemljama, predstavlja zbumujuću kolekciju vrijednosnih papira i finansijskih institucija. Iako se možda na prvi pogled čini kaotičnim, finansijsko okruženje nije takvo, jer postoji smisao iza mnoštva finansijskih instrumenata i tržišta na kojima se odvija trgovanje.

Tržišta se mijenjaju i međusobno natječu za posao trgovanja jednako snažno kao konkurenti u drugim granama privrede. Trgovanje može značiti veliki novac za ulagače. Eksplozivan porast trgovanja preko interneta uštedio je milijune dolara na troškovima trgovanja. Nove mreže elektronske komunikacije omogućit će

ulagačima izravno trgovanje, bez brokera. Ove prednosti obećavaju da će se promijeniti izgled ulagačke industrije, a poduzeća koja kotiraju na burzama smišljat će strategije koje će udovoljiti navedenim promjenama. Iz svega ovog se zaključuje da će ulagači morati poznavati i razumjevati osnove fundamentalne analize, da bi trgovali vrijednosnim papirima.